

# Tèst di E.E.G.

## Departamentu di ENF

Telefòn: 432-1298 òf 432-1296

Ora di ofisina: 7.30 –16.00 or

Fecha di sita.....

Ora: .....

### Tèst di E.E.G.

(Electro Encephalo Gram)

Ta un tèst pa midi funshonamentu di bo serebro. Bo serebro ta produsí aktivitat ku por midi riba kueru di bo kabes. E aparato ta reflehá e aktivitat akí riba un pantaya

### Preparashon na kas

- ▶ Por favor: drumi tempran e anochi promé ku e tèst;
- ▶ Bo **kabei mester ta limpi i seku( no muhá)**, kiermen: bo kabei no por tin gèl, hairspray, pomada òf zeta aden;
- ▶ Si bo tin kabei di 'wave' òf di flèktu pertá riba otro ('geni') mester pasa personal pa traha bo sita. Asina por wak si tin ku los e kabei promé ku e saminashon.
- ▶ Bo por kome i bebe nòrmal na kas, promé bo bin hasi e tèst.

### Registrashon

Pa bo registrá, bo mester mèldu mei ora promé ku bo sita, na e bali di Registrashon den edifisio di POLI. Bo ta ranka un number i warda bo bùrt.

### Bo tin mester pa registrashon:

- ▶ Plachi di pòns di hospital
- ▶ Papelnan di seguro (karta òf karchi di garantia, òf karchi di P.P., SVB, BZV)
- ▶ Un karta di referensha di bo dòkter( neurólogo)
- ▶ Sédula, pasport òf reibeweis
- ▶ Si bo mes ta paga (= 'eigenrekening') por favor paga di antemano na e kaha dilanti di Departamentu di Emergensia. Bo ta haña un komprobante ku bo a registrá. E komprobante di pago bo ta mostra e sekretaria di ENF komo prueba ku a paga pa e saminashon.

Despues bo ta bai entrada prinsipal di hòspital i e pòrtir ta mustrabo e kaminda pa departamentu di ENF ku ta situá na promé piso.

### Preparashon promé ku e tèst

E laborant ta hibabu na e kamber di saminashon kaminda bo ta tuma asiento. Nan ta limpia bo kueru di kabes ku un gasa ku alkohòl.

Despues e laborant ta pone un pèchi spesial riba bo kabes. Den e pèchi tin 22 dòpi. Na e pèchi tin un banchi pegá i ta mare rondó di bo pechu. Bou di e dòpinan ta pone un gel ku ta laga e kabei un tiki muhá. E laborant ta raspa djis un tiki riba e kueru bou di e dòpinan. Awor por kuminsá ku e tèst.

### E tèst

E laborant ta dunabo kada bes enkargonan chikitu p'abo hasi por ehèmpel: 'habri wowo' òf 'sera wowo' mientras ta mustrabo flèsh di lus. Tambe ta instrui bo pa hala rosea pisá durante 3 minüt.

E aparato ta registrá e reakshonnan.

Bo no ta sinti nada!

E tèst no tin ningun efekto sekundario.

E laborant ta kita e pèchi for di bo kabes i e ta limpia e pasta pa hasi kontakto. Bo por peña bo kabei.

Durashon di e tèst : mas òf ménos 60 minüt

### Final

Bo por bai kas, skol òf trabou normal bèk. Bo ta haña resultado di bo tèst serka bo dòkter, despues ku bo a traha un sita kuné.

**Si akaso bo por hañabo strobá pa hasi e tèst, por favor mèldu esaki di antemano na e departamentu di ENF:**

**Telefon:432-1298 òf 432-1296**